



# Дагъдин булах

## Чални Ватан хвена кIанда!

1931- йисалай акъатзава

Горный родник

Къурагъ райондин общественно-политический газет

(ХЕМИС) «8-ИЮЛЬ» «2021-йис» «№26» (7687) «маса гудай къимет 2 манат»

Райадминистрацияда

### Гьяфтедин нетижаяр къуна

5-июлдиз райондин администрациядин актовий залда "Къурагъ район" муниципальный райондин Къилин заместитель Рамазан Катибован председателвилек кваз райондин идарайрин руководителри алатай гьяфтеда авунвай кIвалахдин нетижаяр кьдай совещание киле тухвана.

Анал райондин идарайрин руководителри авунвай кIвалахдай ва вилек акъазвавай месэлайрикай информация гана.

Райондин больницадин кьилин духтур Азим Азимова лагъайвал, киш юкюз 600 "Гам Ковид-2" тIвар алай вакцина хканва, идалай вилек райондин агъалийри 1500 вакцина авунвай, и хканвай вакцинадин ампулада кве касдиз ядай къадар ава, ам ахъа авурла кве сятдин вахтунда ишлемишна кIанзава.

"Вакцина авурбурулай коронавирусдин азар тавурбуруз килигайла регъатдиз алаатзава, социальный сетра кхизвай чIуру информациядихь яб тагана, вакцина тавунвайбурувай ЦРБ-диз атана ягун теклифзава"-къейдна ада.

Райондин образованидин отделдин начальник Махач Хариева информация гайивал, школяр ремонт ийидай пулдин такъатар агакнавачтIани райондин 80 процент школайра ремонтрин кIвалахар башламишнава.

Райондин казенный ва бюджетдин бухгалтериядин кьилин бухгалтер Роберт Асланова къейд авурвал, вири школяр ремонт авун патал икьрар кутIуннава, кIвалах и мукъвара къвайи хар квай селди школайрин къавариз зиянар ганвайвилей акъваз хъана.

Р.Катибова вирида вакцина авуниз фикир гун, Ашарин школадин шифер дегиш хъувун ва гьакIни райцентрал алайбуру ишлемишзавай цел счетчикар эцигунин кIвалах давамар хъувун тагъкимарна.

### Тафаватлу хъайи выпускникрив медалар ва кьетIен чешнедин аттестатар вахкана

5-июлдиз "Къурагъ район" муниципальный райондин кьилин кабинетда тафаватлу хъайи выпускникрив кьетIен чешнедин

образованидин ИМЦ -дин отделдин работникри иштиракна.

Мярекат образованидин отделдин начальник Махач Хариева ачухна ва



аттестатар ва медалар вахкудай мярекатар киле фена. Ана "Къурагъ район" муниципальный райондин депутатрин Собранидин председатель Хизри Мамедова, райадминистрациядин кьилин заместитель Рамазан Катибова, райондин ветеранрин Советдин председатель Фахрудин Мирзоева ва

кьиле тухвана. Мярекатда выпускникрилай гьейри абурун диде-бубаяр ва муаллимарни авай. Махач Хариева вичин рахунра къейд авурвал, медалриз лайихлу 14 аялдилай кIуд выпускникди ЕГЭ вахкудайла чпин чирвилер тестикъарна. М.Хариева вичин патай выпускникриз школа

акъалтIарна лагъай аттестатар вахун тебрикна ва абурал зегъмет чIугур диде-бубайриз, муаллимриз чухсагъул лагъана.

Выпускникриз тебрикдин хуш келимаяр гваз Рамазан Катибов, Хизри Мамедов, Фахрудин Мирзоев, выпускникдин диде Маркизат Исаева, Къурагърин сад лагъай нумрадин юкван школадин директордин заместитель Валентина Амригъамзаева ва масабур рахана.

Выпускникрин патай рахай Къуьчхуррин школадин выпускница Амина Селимовади чпис лагъай хуш келимайрай виридаз чухсагъулур лагъана ва гележегда чпи диде-бубайрин, чпис тарс гайи муаллимрин ихтибарвал квадар тийидайди къейдна.

Медаларни кьетIен чешнедин аттестатар вахкай аялрин арада Гьамидова Амина Надировна-Маллакентдин СОШ, Исаев Мегъамед Назимович - Къурагърин 2-нумрадин СОШ, Къулиев Эмир Аликулиевич - КИрийрин СОСШИ, Агъабекков Хамза Табирович - Къуьчхуррин СОШ, Жабраилов Жамал Эмиргъамзаевич - Къуьчхуррин СОШ, Селимова Амина Расимовна-Къуьчхуррин СОШ, Бабаева Диана Расимовна - Къурагърин 1-нумрадин СОШ, Къафарова Лейла Бубаевна - Къурагърин 1-нумрадин СОШ, Рагъимова Аффат Аслановна - Къепирин СОШ.

П.Магъаромова.

### Районда коронавирусдихь галаз женг чIугун давам жезва

Райондин ЦРБ-дин духтуррин бригадаяр хуьрериз физ агъалийриз

коронавирус мад винел акъат хъувунвайди хабардар авунин кIвалах кьиле тухузва.

Алай вахтунда районда духтуррин гуьзчилик 10 кас ква, абурукай 9 кас коронавирус акатайбурухь галаз алакъа хъанвайбуру я.

Азар пайда хъанвай гьукуматрай хтайбуру авач. Внебольничный

пневмониядик начагъ пуд кас ава.

Коронавирус пайда хъайи 2020-йисан 1-апрелдилай районда коронавирус кватIа чирдай жуьреба-жуьре 10604 ахтармишун авунва. Абурукай 234 кас кваз акъатна. Алай вахтунда ЦРБ-дин инфекционный отделенида са касни авач. Коронавирус кватIа ахтармишдай биоматериалар Дербентдин ва Махачкъаладин лабораторийриз рекъе твазва.

Духтуррин гуьзчиликкай 316 кас, абуруз авур тестар азар квачиз акъагайла, хкудна. Райондиз и вири вахтунда 2108 вакцинация хканва. Алай вахтунда 1558 касдиз вакцина авунва.



## КЪУРБАНДИН СУВАР

Им вири дуьньядин мусурманрин Зу-ль Гьиджа вацран (яни мусурман календардин эхиримжи-12 - вацран) 10-даз (пак Рамазандин вацралай - сивер хуьнин суварлай гуьгъуьниз 70 югь алатайла) къейд ийизвай лап члехи суварикай сад я. Алай йисуз Къурбанддин сувар 19-20-июлдин йикъарал гьалтзава.

Къурбанддин сувар- им гьар йисуз гьаждал финалди къиле тухузвай адетдин эхир, нетижа къазвай хьтин кар я. И юкьуз гьайванар тукъваз, як



п а ю н а л д и  
К ъ у р б а н д а р  
ийидай (садакъаяр  
гудай) адет я.

Гила са кьве келима мусурманар патал и лишанлу йикъан тарихдай: сифтедамаз лугьун, Къурбанддин сувар Ибрагим пайгъамбардин тварцихь галаз алакьалу я. Лугьуда хьи, адаз аялар тежез гзаф вахтар

алатна. Гьа икI, Ибрагим пайгъамбар къуьзуйни хьана, веледрикай умудни атлана. Бирдан Аллагъ-Таалади адаз кьве хва (Ислами Истгъакъ) багъишда къван. Ибрагим, гьелбетда, цавуг агакъда. Адан шадвилдин къадар авачир, мурад яз хьайи веледрални пайгъамбардин рикI гзаф алай. Йисар кьез алатзавай, рухварни члехи жезвай. Йикъарикай са юкьуз Пайгъамбарлиз ахварай Аллагъ-Таалади вичиз адан Исмаил твар алай хва Къурбанд авунин буйругъ (эмир) гуз акуну. Ибрагимна лагъана: "Эй, виридалайни Члехиди тир Сад Аллагъ, эгер ваз гьакъикъатдани гьакI клан ятла, зун муьтлуьгъ я. Къурбандзава зи хва за Ваз".

Гьа и ахвар адаз галаз-галаз пуд сеферда аквада къван. Бубади и ахвар Исмаилаз ахьайна. Адани, гьич са фикирни тавуна, икI лагъана: "Буба чан, фикирлу жемир, акьудур Аллагъ-Тааладин буйругъ къилиз".

Ингъе бубани хва къведни Аллагъди къалурау чкадал-Арафат дагъдай яна, Минадин дередиз рекъе гьатна. Ибрагимна Исмаилан туьтуйнал Чуклул эцигайла патав пайда хьайи Жабраил малакди Ибрагим акъвазарна ва ихьтин хабар гана: "Аллагъди ви Къурбанд къабулна ва Исмаилан еринал и хеб туклун эмир ганва", - лагъана. Гьа и йикъалай мусурманри къурбандар ийиз (гьайванар тукъваз, садакъаяр гуз) башламишна. А югь, члехи сувар яз, гьар йисуз къейд ийизва. Пак Къурбандани и меселадиз талукъ яз хьенва: "Аллагъ-Таалади иман гьвай вирибуруз икI лугъузва: "Аллагъ рикел гьиз капI-тлеат ая, къурбандар це".

Мугъаммад Пайгъамбарди лагъана: "Къурбанддин сувариз гьайван туклун хьтин баркаллу кардилай хьсан кар инсанди Аллагъ рази хьун патал гьеле авунвач. И Къурбанд Къияматдин юкьуз гьайвандин хам ва крчар алаз пайда жедат".

Къурбанддин ивидиз Аллагъди еке къимет гузва. Иви чилел аватдалди Аллагъди Къурбанд къабулзава. Гьа са вахтунда, Къурбандар михи рикелди авун герек я.

Къурбанддин сувар 3-4 юкьуз давам жезва. И йикъара бубайрин суварал, багърийрин ва дустарин къвалериз фин, сувар мубарак авун меслят къалурузава.

Гила са кьве гаф къурбандар авунин шартлариз талукъ яз. Месела, къурбанд авун патал тукъваз хьанавай гьайван къециди, буьркуьди, хаси авунвайди герек туш. Крчар, япар, тум ва жендекдин маса паярни сагъбур жен. Куьрелди, герек гьайван къайни-къайди, сагъламди хьун герек я.

Исламдин истемнишун яз ихьтин гьайванар къурбанд ийиз (тукъваз) жедат: йис тамам хьайи лапаг (хеб ва я гьер), кьве йис хьайи цегъ ва я жунгав, вад йис тамам хьайи деве.

Лапаг са касдила, деве ва я жунгав ирид касдила къурбанд ийиз жедат; Тукъвадай вахт ва къайдани тайинарнава:

Месела, гьайван суварин капI авурдалай гуьгъуьниз, йикъан няни жедалди тукъваз жедат.

Гьайван тукъвадайла:

1. Ният ийида (яни флан ксарилай Аллагъ патал за и гьайван къурбанд ийизва).

2. Бисмиллагъдилай гуьгъуьниз пуд сеферда такбир (яни Аллагъу Акбар. Ля илягъа илляллагъу, валлагъу Акбар, Аллагъ Акбар ва лиллягъил гьам) ийида.

3. Гьайван къибледихь элкьурна ихьтин дуьа келда: "Я Аллагъ, им Вун патал я ва Ви патай я. Къабул ая завай (флан касдила) эгер масада вичин паталай къурбанд авун векил авунваз хьайитла". Пайгъамбардал Салават гьйда (Аллагъума соли Аля саййидина мугъаммадин ва Аля али саййидина Мугъаммадин ва салим).

4. "Бисмиллагъи, Аллагъу Акбар" лагъана тукъвада.

Къурбанддин як пуд чкадал пайда: са пай кесибриз, къвед лагъай пай - къунширизин багърийриз, пуд лагъайдини - жуван хизандиз тада; (Къурбанд авур гьайвандин хам маса гудай ихтияр авач. Ам хийрлу рекъиз ишлемишна кланда).

Незир авур (са кар тукълун патал Хиве къунвай) къурбанд, жува тлун тавуна, вири паюн лазим я.

Къурбанд авурдалай гуьгъуьниз, авур Аллагъ-Таалади къабулун талабуни ниятдалди, кьве кьил капI ва дуьа авуртла хьсан я.

Къез алуькзавай Къурбанддин сувар мубаракрай, гуьрметлу газет келзавайбур!

Куь садакъаяр. Аллагъди къабулрай ва куь вири хьсан мурадара ада къилиз акьудрай! Амин!

## НАЗАР ХАЛИФ

Са юкьуз Абдулкерим бубадин къвализ цлуд йисан яшда авай гада атана. Бубади адавай хабар къуна. Вун гьинай я?

А гадади жаваб гана: зун Клиридай, зи твар Назар я. Вун вучиз агайди я лагъайла, -заз вагай арабдал чирвилер къачуз кланзава, -лагъана ада.

Абдулкерим бубадиз раб, туьрк, фарс члалар чидай. Гьа икI Назар Абдулкериман къвале яшамин хьана.

Абдулкерим бубади рекьидайла адаз араб, туьрк, фарс члаларалди келиз, кхьиз чирна. Тажуб жедай кар ам я хьи, адан суракъдиз са касни атанач. Я вични Клиридиз хьфенач.

Назар Абдулкерим буба гьиниз физ хьайитлани адахь галаз жедай.



Са шумуд йисалай Назариз Къурбан хуралай чир хьана. Са йифиз абур суварин патавай хкведайла Назара Абдулкерим бубадиз лугъузва: "Заз и сувара кучуднавайбур вуж женетдиз ва в у ж жегъеннемдиз къисмет жеда тла чидат.

Къурагъа ирид мягъле ва гьар мягъледиз вичин мисклин авай. Абдулкерим буба Тлуд мягъледин "Цегъре" мисклинда имам тир. Ам кечмиш хьайила Назар и мисклиндин имамвиле хькана.

Назар эвлемиш хьанач. Вири вичин беден ва руьгъ Аллагъдин

рекъиз михи яз бахшна, имандин рекъе чан эцигна. Адан амалриз килигна халкъди адаз Назар Халиф лугъуз хьана. Назар Халиф Накъшубанди тарикъатдин шейх тир. Назар Халифаз сулук-(Авлийри Аллагъдиз ибадат ийидай) гьвечи къвал авай. А сулукда жедай къвал мукъва йисаралди амай. Гьа икI йисар кьез алатна. Назар халифин къуьз хьана. Са юкьуз Назар халиф ниснин капI ийиз атанач. Мисклин къвалин патав гвай. Ам геж хьана акурла, адаз эвериз са жегъил ракурна. Ада къвалевайбурувай Назар Халиф гьинава лагъайла, абур ам экъунин капI авурдалай гуьгъуьниз Юрхвал цан цаз фейиди я лагъана. И жегъилин Юрхвал фида адаз эвериз. Ам аниз агакъайла жегъилдиз Назар Халифа вацлун кьерел капI ийиз, япар элкьез туьрездихь кас галачиз цан цаз аквада. И аламат акур жегъил тажуб хьана амуькъда. Ахпа ада дастамаз къачуна вичини капI ийида.

Назар Халифа капI авурдалай гуьгъуьниз жегъилди вич мисклинда авайбуру адаз эвериз ракурвайди я лагъана. Назар Халифа гададиз лагъана: "Чан хва, гила зи сир ваз ранж хьана". Хкведай рекъе ада жегъилдиз лугъузва: "Зун рекъидай вахт мукъвал хьанва. Зи яцари бугъ ягъай чкадал зун кучуда ва зи садакъадиз и яц це".

Къвализ хтайла Назар Халифа чан гана ва ам яцари бугъ ягъай чкадал кучудна ва ахпа адал пир эцигна. (Яцари бугъ ягъун-Аллагъдиз шукур гьун я.)

Назар Халиф пир Къурагърин хуьре Къадирийн мягъледа ава. Ам халкъди гуьрмет ийизвай зияратрикай сад я.

Зи мирес Муьшкьюран къвал Назар халифан сулукдин патав гвай. Ада хуьрун кьерехда цлийи къвалер эцигдайла, вичин куьгъне къвалин къванер машиндаваз хутахдайла Назар халифан сулукдин къвалин иер са къван машинда эцигна. Машин хутла гьатайла ам шофердивай гьикъван алахънайтлани, алай чкадила гьализ хьанач. Ахпа сулукдин къвалин къван авудайла машин алай чкадила фена.

Са дишегъли Назар Халифан сулукдин къвалин патав цварадиз экъечлайла, адан сив къамухъди элкьвена. Ахпа абурун хизан садакъаярни гваз Назар Халифан пирел фена, дуьбаяр келиз вайзар авурла, а дишегълидин сив чкадал хтана.

Назар Халифакай заз суьгъбет авурди Абдулкерим бубадин хтл Фетяли я. Къуй Аллагъди Назар Халифан суруз нур къуррай!

Абдурашид Абдурагъманов.





с 12-июля по 18-июль

ПЕРВЫЙ, РОССИЯ, НТВ

2021-йисан 8-июль

3

Table for Monday 12-июль. Columns: Time, Program Name, Channel. Includes programs like 'Доброе утро', 'Новости', 'Жить здорово!', 'Мужское/Женское', 'Утро России', 'Вести', 'Морские дьяволы'.

Table for Tuesday 13-июль. Columns: Time, Program Name, Channel. Includes programs like 'Доброе утро', 'Новости', 'Жить здорово!', 'Мужское/Женское', 'Утро России', 'Вести', 'Морские дьяволы'.

Table for Wednesday 14-июль. Columns: Time, Program Name, Channel. Includes programs like 'Доброе утро', 'Новости', 'Жить здорово!', 'Мужское/Женское', 'Утро России', 'Вести', 'Морские дьяволы'.

Table for Thursday 15-июль. Columns: Time, Program Name, Channel. Includes programs like 'Доброе утро', 'Новости', 'Жить здорово!', 'Мужское/Женское', 'Утро России', 'Вести', 'Морские дьяволы'.

Table for Friday 16-июль. Columns: Time, Program Name, Channel. Includes programs like 'Доброе утро', 'Новости', 'Жить здорово!', 'Мужское/Женское', 'Утро России', 'Вести', 'Морские дьяволы', 'Муз. фестиваль "Жара"', 'Вечерний Ургант'.



Table for Saturday 17-июль. Columns: Time, Program Name, Channel. Includes programs like 'Россия от края до края', 'Доброе утро', 'Новости', 'Видели видео?', 'Честное слово', 'Концерт Пелагии', 'Тупельский Токареv', 'Олимп-Суперкубок России', 'Испытание невиновностью', 'Доктор Мясников', 'Чужое счастье', 'Привет, Андрей!', 'Замок на вилке', 'Цена любви'.

Table for Sunday 18-июль. Columns: Time, Program Name, Channel. Includes programs like 'Белая ночь, нежная ночь...', 'Доброе утро', 'Новости', 'Видели видео?', 'Часовой', 'Здоровье', 'Путевые заметки', 'Жизнь других', 'Устами младенца', 'Кто в доме хозяйка?', 'Три аккорда', 'Dance Революция', 'Испытание невиновностью', 'Надпись со всеми', 'Модный приговор', 'Давай поженемся!', 'Устами младенца', 'Кто в доме хозяйка?', 'Парад юмора', 'Dance Революция', 'Закон сохранения любви', 'Воскресный вечер', 'Женщина', 'Тариф "Счастливая семья"', 'Устами младенца', 'Кто в доме хозяйка?', 'Стокто к одному', 'Большая переделка', 'Первая передача', 'Чужое счастье', 'Данный ответ', 'НашиТотРеБНадзор', 'Своя игра', 'Судебные вепи', 'Стажеры', 'Маска', 'Авocat'.

## Къурагъ райондин образованидин учрежденияр цДийи келунин йисаз гъазур жезва

ЦДийи келунин йис Къурагърин юкван школадин башламишдалди вилик райондин директор Гьамид Мисривеа вичин



рахунра кьейд авурвал, школада косметический ремонтар авуна куьтягнава. Асунар авуна, ширер яна ва столар, стулар ремонт хьува.

Къурагърин кьвед лагъай нумрадин юкван школадин директор Магъарам Къазиева гъа ихтин ремонтдин кваллахар чпин школадани авуна куьтягнавайди лагъана.

Школайра ремонт авунин материалар кылди карчи Абдулкерим Мамедова ахъайзава.

образованидин учрежденияр ремонтар киле физва.

Райондин образованидин отделин начальник Махач Хариева кьейд авурвал, райондин 80% образованидин учрежденияр ремонтар башламишна.

И йикъара райондин администрациядин пресс-службадин работникар Къурагърин сад ва кьвед лагъай



нумрадин юкван школайриз фена, ремонтар гьикI киле физватIа

Школайра ремонтдин вири кваллахар муаллимрини техперсоналди чпи авунвайди я.

Ремонт авун патал пулдин такъатар райондин Централлизовананный бухгалтериядай ахъайнавайди я.



Райондин официальный сайтдай гъазурайди А.Мамедова я.

ахтармишна.

## Шагъвелед Гъасретов

### Уьмуьр

Килиг уьмуьр, жемир вун зал гъавалат,  
Гьикъван вуна кутуна зак хажалат.  
Эгер аватIа вахъ са кIус адалат,  
Гила къванни секин тур зун, эй, уьмуьр!

Аялмаз гана на заз азабар,  
Келиз туна чIуру- кьени ктабар.  
Югди-йифди тIазва вири кIарабар.  
Гила къванни секин тур зун, эй, уьмуьр!

Жегъилмаз акъван кьайгъу авачир.  
Са регъятвал на заз гъакIа ганачир,  
Емиш тар яз на емишар гъаначир.  
Гила къванни секин тур зун, эй, уьмуьр!

РикI дарих я, тIебиятни чIур хъанва,  
Бязибуруз уьмуьр амач-пул хъанва.  
Шагъвилдиз тирвал луьгун тIул хъанва.  
Гила къванни секин тур зун, эй, уьмуьр!

### Хийирлу меслятар

Ял агалтай гьеридиз дад хкидай кьайдая  
Ихтин дуьдгвер хьсандиз кьайи ций чухъвена, адакай тIунутIар хьтинбур ийида. Гуьгъунлай мад хьсандиз чухъвена, кьел яна, адакай яд хкудда;  
дуьдгвер хуьрекин сода кутунвай цин кьаришмадалди (са чайдин тIур сода кьве истикан циз вегьеда) 2-3 сеферда кьайи целди чухъуда ва хьсандиз кьел яд;

куьгъне дуьдгвер цIурур хьийиз жеда. Кьайи яд илична, хуьрекин са тIур сода алава хьува, хьсандиз хуькуьрда. Ахпа яд хкудда, гьар са килограмм дуьдгвердиз са истикан нек алава хьува, цIурур хьийида;

цIурур хьийидайла, дуьдгвердиз са тике фу вегьена, адал кьизилдин ранг акъалтдалди тада. И фан тикеди дуьдгвердин чIуру нире вичел чIугвада. ЦIурурнавай чIемединх агалтай чIуру ял, адаз са шумуд кIус газар вегьена, са шумуд юкьуз туна, галудиз жеда.

НекIедин хуьрек авай катудин клан кун тавун патал, хуьрек яцIу клан квай катудла зайиф цал авун меслят кьалурзава.

Лапша, макаронар, дуьгъу некIеда акъван хьсан ргадач, гъаниз килигна абурукай некIедин хуьрек ийидалди вилик, абур це 3-6 декьикада ругун теклифзава.

Эгер мукаш лап цуруди ятIа, ам барабар кьадар таза некIедик акадарна са сятина тур. Ахпа суьзекда тунвай жунадал вегьена, нек хкудур ва амукъай мукаш са залан затIунин кланик кутур. Мукаш тазади ва ширинди хъжеда.

Мукашдик квай цурувал хкудун патал ам кьвед-пуд кьат авунвай жунадик кутуна, са кIватI хьтинди авуна, жунадин кьилер алчударна, тахтадал эцигда. Ахпа винелай маса тахта эциг хьува, кьвед пуд сятина винел залан затI эцигна, цIвегъ хкудда.

Холодильникда ниси кьизилверекьдин ва я пергаментдин чарчик кутуна хвейтIа хьсан я. Адетдин чарчик кутуртIа, ам фад кьурада.

Холодильникда ниси мурк къазвай чкадивай тIимил яргъа эцигайтIа хьсан я.

Холодильникда эцигиз кланзавачтIа, ниси, кьелен цик кьежирна, ламу авунвай салфеткадик кутуна хуьз жеда.

Эгер ниси кьадарсуз кьуранватIа, некIедик кутуна туна хуьтуьлариз ва таза хьийиз жеда.

Къурагърин кьвед лагъай нумрадин юкван школадин коллективди

**Абдулазиева Суна Магъсубовна**  
вахтсуздаказ рагъметдиз финихъ галаз алакьалу яз, адан хизандиз, багърийриз дериндай хажалат чIугунивди, башсагълугъвал гузва.

**Гуьрметлу юлдашар!**  
2021-йисан кьвед лагъай пай патал "Дагъдин булах" газет кхьихъ

**Газетдин кьимет**  
Редакцияда: 6 вацра 125 манат

**Почтайрин отделенияр:**  
6 вацра 251 манатни 34 кекек

**Газет квевай редакцияда, почтайрин отделенияр кхьиз жеда**

## ДАГЪДИН БУЛАХ

ТЕШКИЛАЙДИ:  
«Къурагъ район» муниципальный райондин администрация

УЧРЕДИТЕЛЬ:  
Администрация МР «Кураский район»

КЫЛИН РЕДАКТОР  
А. Г. РАМАЗАНОВА  
[redaktork1@mail.ru](mailto:redaktork1@mail.ru)

ЖАВАБДАР СЕКРЕТАРЬ  
Ф. С. МЕГЪАМЕДОВА

ОТДЕЛИН РЕДАКТОР  
М.Н. АГЪМЕДОВА

ВЕРСТАКНИИЦАЙДИ  
И.ГЪ. ЮСУПОВА

Газет "Дагъдин булах" редакциядин компьютерин базала кIватIна, верстка авуна, райондин "Дагъдин булах" чанханада чанна. Газета набрана и сверстана на компьютерной базе "Горный родник".  
Газет чан ийивай вахт-14.00  
Чан ийиз вахкана- 10.00

368180, Кураский район  
с. Курас.

Газета отпечатана в Кураской районной типографии "Горный родник".

Адрес редакции и издателя:

368180, Кураский район,  
с.Курас, ул.Назаралиева, 4.

Индекс 51358

Тираж 1004

Редакциядинни макъалайрин авторрин фикрар сад тахъун мумкин я. Макъалайрин, абур гъизвай делилрин дуьзвилдин патахъай жаваб авторри чпи гуда. Макъалайриз рецензияр гуьзвач ва абур элкьвена вахкузвач. Мадни, чпин макъалайра дегишвилер туал, кьилер дегишарунал рази тушир мухбиривай чна абур редакциядиз ракур тавун тIалазавач.

Газет массовый информациядин ва печатдин такъатар регистрацая ийидай ва Дагъустан

Республикада абурун гьакьиндай Россиядин Федерациядин законар кьилез акъуднал гуьзчивалдай Региональный управленида регистрацая авуна.  
Газета зарегистрирована Южным окружным межрегиональным территориальным управлением.

Регистрационный номер

ПН № ТУ 05-00433

от 21.05.2019г

РЕДАКЦИЯДИН АДРЕС:

368180, Къурагърин хуьр,  
Назаралиева куьче, 4.

тел.: 22-0-61